





歷代古人像贊序

嗟乎我思古人良春夢

術游魂矣讀書史則古人心

洞然如復見其

畫圖則古人形如然如

是書以載古人心祇圖以

人形像也明矣但書之流傳者

常充棟宇汗馬牛而圖之



者何寥寥然不一二見也暇日
搜檢書軸偶得舊箴歷代古人
圖像一帙展而視之有聖焉有
賢焉有善焉有惡焉上自
人各踈以事

實且喜且疑將欲去其惡存其
善置之几案以備觀覽忽乃自
省曰前人作圖不無遠見且國
風載善惡乃彰美刺春秋載善
惡乃寓褒貶古人心術之微一

覽可得前人作圖備寫古人善
惡之像其有得於孔聖刪脩之
遺意歟座有儒紳應聲對曰殿
下所見是矣昔孔子觀乎明堂
覩四門墉有堯舜之容桀紂之
像各有善惡之狀興廢之誠今
殿下覽圖像善惡悟孔聖刪脩
之旨與明堂之圖合矣豈拘儒
曲士所能及哉予曰嗟乎有是
哉因備觀家語所載凡宥坐之

欹器絨口之金人與夫周公相
成王抱之負斧扆南面以朝諸
侯之圖無非昭示勸懲之深意
也遂取前圖各係以小贊四句
雖意淺辭荒不足示人亦一時
好善惡惡真心也一日儒紳復
請曰贊既成矣不并圖刊之何
以廣示遠邇予乃然之曰夫明
鏡所以察形往古所以知今又
孔聖格言也遂壽諸梓與好事

者共之

弘治戊午仲春二日

大明宗室七十翁天然書



伏羲

卦畫先天道開前古
六經之原羣聖之祖



伏羲

大昊伏羲氏姓風母名華胥居于華胥
之渚生帝于成紀以木德繼天而王都於
宛丘生而神明德合天地河出圖洛出書
則而畫之始作八卦以通神明之德以類
萬物之情因而重之為六十有四教民決
嫌疑定猶豫使不迷於言凶悔吝之塗
又造書契以代結繩之政上古男女無別
始制嫁娶以儷皮為禮教民佃漁黍養
六畜以充庖厨故又曰庖羲氏在位一百一
十五年

神農



藥石權輿農商宗祖
夫札全生飢寒脫苦

神農

炎帝神農氏姓姜氏母曰安登少
典君之正妃以火德代伏羲治天下
故曰炎帝斲木為耜揉木為耒以
教天下之耕致天下之民聚天下之
貨教民日中為市交易而退農商
由此而起矣又嘗百草之味制為醫
藥以療民疾先都于陳後徙曲阜在
位一百四十年

黃帝



參贊兩儀
創興百制德滿羣生澤派萬世

黃帝

黃帝軒轅氏姓公孫氏有熊國君少典之子母曰附
實見大電遠北斗樞星感而生帝於軒轅之丘故
因以為名帝生而神靈弱而能言幼而徇齊長
而敦敏成而敏明于時炎帝世衰諸侯相侵伐
軒轅乃習用干戈以征不事諸侯咸歸之乃與
炎帝榆罔戰于阪泉之野克之又殺蚩尤於涿鹿
由是諸侯推尊為天子以土德王作舟車以濟不
通制軒冕別章服使貴賤有等其於宮室書
契棺槨弧矢枿臼之類罔不畢備帝四妃二十五子
得姓者十有四人為十二姓生人以來有姓氏實由
此始在位一百一十一年壽二百一十一歲

少昊



紀官以鳥王德以金
諸福畢至九州諧音

少昊

少昊金天氏姓姬名執事黃帝次子世
紀云母名女節史又曰嫫祖以金德王
故號金天氏都於曲阜少昊之立也
有鳳鳥適至因以鳳紀官在位八十
四年壽一百歲

顓帝



五官爰命萬物生遂
神民不雜天地以位

顓頊

顓頊高陽氏姓姬黃帝之孫昌意之子昌意娶蜀山之女曰昌僕是為女樞生帝於若水年十歲佐少昊年二十即位以水德紹金天氏為天子初國於高陽故號高陽氏都於帝丘在位七十八年壽九十八歲

帝嚳

九韶中和萬方悅服
動時執中德凝色郁



帝學

帝學高辛氏姓姬黃帝曾孫祖曰少昊父曰蟠極生而駢齒神異聰靈自言其名年十五佐顓頊受封于辛年三十以木德代高陽氏為天子以其肇基于辛故號高辛氏在位七十年壽一百五

歲

帝堯



天道斯成地道斯平
一中授受萬世文明

帝堯

帝堯陶唐氏帝嚳之子姓伊祈氏母曰慶
都有赤龍之祥孕一十四月而生帝於丹陵
初封為唐侯年十六而立以火德王都平陽
茅茨不剪土階三級有草生庭十五日以
前日生一葉以後日落一葉月小盡則一葉
厭而不落名曰蓂莢觀之以知旬朔其仁如
天其智如神就之如日望之如雲布衣掩形鹿
裘禦寒衣履不敝畫不更為也在位七十
二年壽一百九十八歲

帝舜

禪授光明心學切要九官公忠萬世大孝



帝舜

帝舜有虞氏姓姚黃帝八代孫也父名瞽
叟繼母生象皆下愚不移嘗欲殺舜舜
盡孝弟之道烝烝乂不格姦二十以孝聞
三十堯舉於畎畝妻以二女歷試諸難四
海之內咸戴舜功堯遂禪以位以土德王
都於蒲阪恭己無為而天下大治在位五十
年南巡狩崩于蒼梧之野壽一百有十
歲

夏禹



孔聖無間虞舜傳心
澤流萬世勤惜寸陰

夏禹

夏禹姓姒氏黃帝玄孫祖顓頊父鯀
母有莘氏女名志是為脩己初堯時洪
水滔天下民昏墊禹嗣父職以司空治水勞
心焦思居外十三年三過其門而不入開
九州通九道陂九澤度九山告厥成功帝舜
嘉之使率百官行天子事舜崩遂即天
子之位在位二十七年壽一丁歲夏天下之
號禹名也

成湯



救民伐夏順天應人
布昭聖武克寬克仁

夏禹

夏禹姓姒氏黃帝玄孫祖顓頊父鯀
母有莘氏女名志是為脩己初堯時洪
水滔天下民昏墊禹嗣父職以司空治水勞
心焦思居外十三年三過其門而不入開
九州通九道陂九澤度九山告厥成功帝舜
嘉之使率百官行天子事舜崩遂即天
子之位在位二十七年壽一丁歲夏天下之
號禹名也

成湯

救民伐夏順天應人
布昭聖武克寬克仁



成湯

殷湯黃帝之後也姓子氏名履又名天乙湯
彌也或曰謚初帝學次妃簡狄祈于高禖
有玄鳥之祥遂契契事唐虞為司徒至十
二世孫主癸生天乙是為成湯夏桀無道殘
虐萬姓伊尹相湯伐桀遂放桀於南巢諸
侯大會皆推湯於是即天子之位都于亳大
旱七年以身為犧禱于桑林之野以六事自
責言未已大雨方數千里在位十三年壽一百
歲國號商盤庚遷殷以後號殷

文王



虞尚質成諸侯歸國
易演後天語稱至德

文王

周文王黃帝之後姓姬名昌初帝譽元妃名姜嫄出野見巨人跡心所然悅而踐之身動如孕者後乃生后稷名棄及長好種藝稼穡堯舉為農師封於邰舜命為后稷至十四世孫季歷止娶太任乃生文王有聖德嗣王季位發政施仁必先於鰥寡孤獨商紂時被崇侯虎譖囚於羑里乃取伏羲易六十四卦次序而演之作為卦下之辭以垂世立教後因虞芮皆成天下聞之而歸者四十餘國三分天下有其二享國五十年受命九年也壽九十七而崩

武王

伐邇逃王封聖賢後
重民五教克配三后



武王

周武王姓姬名發文王第二子后稷十六世孫也文王薨武王立有十三年春誓師于孟津天下諸侯不期而會者八百紂王聞武王來亦發兵七十萬人拒敵皆無戰心前徒倒戈攻于後血流漂杵一戎衣而天下大定在位三年壽九十三傳世凡三十五歷八百六十七年

漢高祖



知人善任秦降楚亡規模弘遠國祚靈長

漢高祖

漢高祖姓劉名邦字季沛豐邑中陽里人令徐州是也為人隆準龍顏左股有七十二黑子寬仁愛人意豁如也初為泗上亭長秦二世元年沛邑父老迎立為沛公起兵入關受秦王子嬰降其年項羽立帝為漢王又五年滅羽遂有天下都於長安在位十二年壽五十三歲

漢文帝



恭儉允蹈玄默化成
懷強弭叛國富刑清

漢高祖

漢高祖姓劉名邦字季沛豐邑中陽里人令徐州是也為人隆準龍顏左股有七十二黑子寬仁愛人意豁如也初為泗上亭長秦二世元年沛邑父老迎立為沛公起兵入關受秦王子嬰降其年項羽立帝為漢王又五年滅羽遂有天下都於長安在位十二年壽五十三歲

漢文帝



恭儉允蹈玄默化成
懷強弭叛國富刑清

漢文帝

漢文帝高祖之子名恒母薄氏夢
龍據脅因孕而生帝初封代王平
勃誅諸呂迎立為帝務崇節儉以
德化民是以海內富庶興於禮義
獄斷數百幾致刑措在位二十三年壽
四十六歲

漢景帝

風俗移易人民富庶
跡薄彘倫帝永終譽



漢景帝

景帝名啓文帝太子母竇氏遵守成
業掃除煩苛蠲民租減筭法與民
休息移風易俗黎民醇厚國家無
事倉庫盈餘周稱成康漢言文景
美矣惜夫背理傷道之事亦間出焉
獨節儉不妄費育民以致富為克遵
洪業耳在位十六年壽四十八歲

漢光武

克復舊物保全功臣
褒旌忠節崇重儒紳



漢光武

漢光武皇帝姓劉名秀字文叔南陽蔡陽人高祖九世孫景帝子長沙定王發之後生九歲孤養於叔父良性勤稼穡受尚書通大義王莽末盜起避吏新野與兄續起兵南陽誅滅王莽即帝位都于洛陽才明勇畧開心見誠延攬英雄恢廓大度在位三十二年身致太平壽六十二歲

蜀先主



帝室之胄蓋世之雄
正統之紹太史之公

蜀先主

蜀漢昭烈皇帝姓劉名備字玄
德涿郡人漢景帝子中山靖王勝之
後有大志端重寡言喜怒不形於色弘
毅寬厚知人待士有高祖之風曹丕篡
獻帝位乃即位於成都武擔之陽在
位三年壽六十三歲至後主禪繼位凡
四十三年

魏太祖



乘時擅命暴戾剛強
戕害國母脅制天王

魏祖曹操

魏王姓曹名操沛國譙人桓帝時曹騰為中常侍有養子嵩本姓夏侯氏實生操自少機警有權數任俠放蕩不治行業初舉孝廉後守東郡乘時而興自兖州牧入為丞相封魏公進爵為王其子曹丕遂代漢祚

吳太祖



傾危玄德結托老瞞
紫陽之論洞見肺腑

吳太祖

吳太帝姓孫名權字仲謀吳郡
富春人孫武子之後其父孫堅起
事至兄孫策嗣霸權藉餘烈建
國武昌遷都建鄴國號吳

司馬懿



將帥之才奸雄之志
得政專權見利忘義

司馬懿

司馬懿字仲達河內人曹操間而辟
之始陽疾而辭終畏威而就操聞其狼
顧使前行令反顧面正向後而身不動
操謂丕曰懿非人臣相必預尔家事丕
與之善遂全佑之至其孫司馬炎代魏
為晉謚懿為宣王

東晉元帝



恭儉有餘明斷不足
禍亂內興大業未復

東晉元帝

東晉元帝姓司馬名睿懿之曾孫
琅邪恭王覲之子其妃夏侯氏通於
小吏牛金而生帝載在史冊帝實牛
姓也冒司馬氏德性簡儉容受直言
在位六年壽四十六

南朝宋武帝



晉室再興王風漸熾
胡乃無君逼傳天位

宋武帝

宋高祖武帝姓劉名裕字德興小
字寄奴彭城人漢楚元王交二十一世
孫生有神光照室長雄傑有大度
身長七尺六寸風骨奇偉不事廬謁
小節仕晉大建功業進爵宋王晉恭
帝元熙二年稱帝國號宋在位三年
壽可六十七

宋廢帝

居喪不哀濫刑誅戮
身死竹林不及麥熟



宋廢帝

宋廢帝名子業孝武長子年十六
即位為人蜂目鳥喙長頸銳下孝武
惡而囚之將加害者數矣卒得無恙
及即位凶暴日甚拘囚諸父誅戮宗
親甚至糞父之陵嬪祖之女無道之
極僅立一年被湘東王所弑

齊高帝



博學能文天性清儉
金土價同妄言可厭

齊高帝

齊高帝姓蕭名道成字紹伯東江
蘭陵人漢相國蕭何二十四世孫深沈
有大量博學能文肩有赤誌如日月
之狀仕宋文帝為偏將軍預平晉安
之亂為中領軍宋蒼梧王狂虐不道
道成弑之立順帝乃假黃鉞進爵齊
王尋稱帝即位在位四年壽五十四

梁武帝

受齊禪位綱紀頹頹
信姦寵叛餓死臺城



梁武帝

梁武帝姓蕭名衍字叔達蘭陵人齊之踈族也母張氏見菖蒲生花傍人皆不見吞之已而生帝日角龍顏有一在手曰武既長英達有文學位齊明帝屢立戰功鎮雍州東昏暴虐帝以伯氏被殺乃舉兵奉立和帝身為大司馬尋即帝位都建康在位四十八年壽八十六歲被侯景所逼殂于臺城

陳武帝



獨運英謀臨危制勝
受梁之禪寬簡為政

陳武帝

陳武帝姓陳名霸先字興國吳興人漢大丘長陳寔之後侯景之亂舉兵始興與王僧辨同滅景進爵為陳王尋篡梁國號陳都於建康在位三年壽五十七

隋文帝



挾智任術微幸得位
明敏儉約精勤政治

隋文帝

隋文帝姓楊名堅弘農華陰人父
忠事周文帝為太傅封隋國公帝
襲事周武帝女為太子妃太子立為
宣帝崩靜帝立帝以元舅秉政
進爵隋王尋篡周國號隋都長安
在位二十四年壽六十四

唐高祖

掃除亂畧海內咸服
太宗為子成功乃速



唐高祖

唐高祖姓李名淵字叔德隴西成
紀人祖虎佐周有戰功為上柱國封
唐國公帝襲封仕隋留守太原任
煬帝南巡不返天下大亂乃起義兵
立恭帝為大丞相封唐王尋稱帝
國號唐都長安在位九年壽七十

唐太宗

武功赫赫文德洋洋
比迹湯武庶幾成康



唐太宗

唐太宗皇帝高祖第二子名世民幼
日有書生見之曰龍鳳之姿安天日之表
其年幾冠必能濟世安民書生去高
祖使人追之不見乃錄其語為名年十
八舉義兵聰明英武有安天下之志
五載而成帝業史臣稱其除隋之亂
比迹湯武致治之美庶幾成康自古功
德兼隆由漢以來未有也在位二十三
年壽五十一歲

武則天

屠唐宗支毒害忠良
攘竊神器淫穢綱常



武則天

則天武氏名曌太原并州人荊州都督
武士彘之女年十四太宗聞其美召入後宮
貞觀十一年為才人賜號武媚侍太宗十
三年太宗崩年已二十六髡首為尼於感
業寺高宗詣寺行香見之被其蠱惑
命長髮復召入宮未幾大幸進位昭儀
自是傾陷王后與蕭妃正位中宮委以
政事僭位二十二年壽八十二唐之梟人
也

唐玄宗



前任忠諫後盡邪克
靡不有初鮮克有終

唐玄宗

唐玄宗皇帝名隆基睿宗第三子初
為臨淄王韋氏之亂陰聚才勇之士誅
除韋氏奉睿宗即位封為平王尋為
太子受禪開元之初勵精圖治幾致太
平天寶以後奸臣擅權艷妃亂政至於
竄身失國而不知悔在位四十四年壽七
十八

唐憲宗



志平僭叛能用謀忠
剛明果斷卒收成功

唐憲宗

憲宗皇帝名純順宗長子年二十六
為太子監國尋即位剛明果斷志
平僭叛任用忠謀不惑羣議卒收
成功足為中興之主在位十五年壽
四十三

唐宣宗



沉斷明察吏民敬畏
無復仁息衰唐元氣

唐宣宗

宣宗皇帝名怡憲宗第十三子性
嚴重寡言宮中以為不慧太和以後
益自韜晦羣居遊處未嘗發言武
宗崩為大叔監國接過羣僚裁決
庶務人始見其隱德焉在位十三年
壽五十

李後主

神器三傳煜乎不競
火德當天國已歸命



李後主

南唐李後主名煜其祖李昀徐州人徐溫養以為子名知誥晉高祖天福二年取吳據金陵僭稱帝傳至其子李璟璟卒煜立宋太祖開寶八年遣曹斌取之

宋太祖



詔遠天度聰明神武
黃袍加身羣生鼓舞

宋太祖

宋太祖皇帝姓趙名匡胤宣祖第二子母杜太后其先涿人也相傳為漢京兆尹廣漢之後唐明宗天成二年丁亥生於洛陽夾馬營而光滿室營中異香一月人謂之香孩兒營中周世宗為殿前都點檢使世宗崩恭帝幼冲中外物情皆有推戴之意顯德七年正月契丹入寇恭帝命太祖出師即日出愛景門晚至陳橋驛諸將士聚議相與扶出被以黃袍羅拜呼萬歲乃整軍而入恭帝遂禪位未文公稱太祖不為言語文字之學而方寸之地正大光明真與堯舜之心合在位十七年壽五十

宋仁宗



恭儉至誠德澤霽霽
社稷靈長仁祖是賴

宋仁宗

宋仁宗皇帝名禎真宗太子母李氏
劉皇后養為子真宗得皇子已晚
帝始生晝夜啼不止有道人言能止兒
啼召入則曰莫叫莫叫何似當初莫笑啼
即止蓋謂真宗嘗顧上帝祈嗣問群仙
誰當往者皆不應惟赤脚大仙一笑遂
命降為真宗子在宮中好赤脚其驗也
年十三即位天性仁孝存心統治君子滿朝而
致太平之盛在位四十二年壽五十四

宋高宗

忘戴天幘甘醜虜辱
畏懦有餘剛果不足



南宋高宗

宋高宗皇帝名構徽宗第九子
母韋氏徽宗夢吳越錢王入室已
而生帝封康王道君欽宗北狩即
位于南京後南渡定都臨安府在
位三十六年禪位于孝宗壽八十一

宋孝宗

敵國無讐恢復有
志事太上皇孝養
備至



宋孝宗

孝宗皇帝初名伯琮更名昚太祖七世孫
秀安僖王子偁之子也帝母張氏常夢
崔府君擁一羊來曰以此為識高宗為康
王時出使磁州磁人夢崔府君出迎張氏
以是羊生帝於秀州小名羊羊高宗喪
太子乃選帝鞠於宮中賜名瑗又與崔
府君同名先封晉安郡王立為皇太子尋
詔即位帝性仁孝英武節用愛民好學勤
政重道崇儒真宗室之賢主在位二十八年
壽六十八

宋寧宗

忠良棄捐正學廢
黜雖有小善得不
償失



宋寧宗

寧宗皇帝名擴光宗太子封嘉王
孝宗崩光宗不豫嘉王以太皇太后之
命即位其時韓侂胄史弥遠壘相專
政仇視正人斥逐善類賢人君子罷
黜殆盡南宋之基自茲衰矣在位三
十年壽可五十七

閩王



天性儉約公私富實
寬刑薄賦境內安佚

閩王

閩王審知光州固始人據福建唐昭宗光化元年加封威武節度使後封琅邪王朱溫開平初封閩王至晉出帝開運三年南唐李璟滅之

項王



屠戮降人放弑義帝
將叛兵離國亡身斃

項王

西楚霸王項羽名籍彭城人楚將項燕之孫身
長八尺目有重瞳力能扛鼎勢可拔山喑噫叱咤
千人皆廢有萬夫莫當之勇少時學書不成
去學劍又不成其叔項梁怒之羽曰書足以記姓
名而已劍一人敵不足學學萬人敵秦二世元
年與項梁收吳中子弟八千人渡江而西三年
大破秦兵始為諸侯上將軍沛公入秦乃分
天下王諸將自立為西楚霸王都彭城漢
己亥五年十二月敗於垓下至烏江不渡自刎
而死稱霸王五年年二十九歲

昭明太子



寬和孝謹質粹神清
梁祚不永天奪昭明

昭明太子

昭明太子梁武帝長子年五歲通
誦五經甫十五出居東宮更十年而遠
伴黃壤惜夫天分雖高而生民未被
其澤耳謚曰昭明

倉頡



取像鳥跡始作文字
辨治百官領理萬事

倉頡

倉頡四目觀鳥跡制字淮南子曰倉頡造書天雨粟鬼夜哭自書契作非偽萌生去本逐末棄耕耨之業而務刀錐之利天知其將餓故為雨粟鬼恐其為文所劾故哭也

咎繇



承帝之命惟明克允
刑以弼教萬世標準

咎繇

高陽氏有才子八人天下謂之八愷
其六曰庭堅即咎繇之字也帝
命為士師明于五刑以弼五教刑
期于無刑民協于中

后稷

立我烝民莫匪爾極
終古蒙恩與天合德



后稷

后稷姓姬名棄母姜嫄為帝嚳元妃出野見巨人跡忻然說而踐之而身動如孕者居期生子以為不祥棄之隘巷馬牛過者皆避之不踐徒置之林中適會多人遷之又棄之渠中冰上飛鳥以翼覆之姜嫄以為神遂復收養之初欲棄因以棄為名既長好耕農民皆則之堯舉為農師使教民耕種官名曰稷稷為五谷之長故以名主穀之官實周文武之祖也武王即天子位尊號曰后

契

敬敷五教以寬為主
化洽當時功垂終古



契

契帝嚳次妃簡狄祈于高禖有玄鳥墜卵簡狄接而吞之因有娠遂生契事唐虞為司徒教民有功封於商賜姓子氏實成湯之始祖也

伊尹



天錫阿衡左右商王
忠光日月肩荷綱常

伊尹

伊尹其母居於伊水上既孕夢神人
謂曰日出水則東走明日告其隣東
十里迴視其邑皆為水也母身化為空
桑有莘氏女採桑見兒啼於空桑中
乃取養之命曰伊尹耕於有莘之野
湯使人以幣聘之因說湯伐夏救民
為湯相

傳說



君臣同心交相勉勵
說命三篇盡言萬世

傳說

傳說有賢德傳嚴之下有水壞道
常使胥靡築之說為胥靡代築以
供食殷高宗夢得之用為相

太公



克商興周元功赫赫
傳世三十歷年八百

太公

太公姓姜名子牙釣於磻溪之慈泉釣
得玉璜刻曰周受命呂佐周文王出獵
卜之曰所獲非龍非虜非虎非雉所
獲伯王之輔果遇子牙於渭水之陽曰
吾太公望子久矣故號之太公望載之
後車立為師封於呂故曰呂尚著兵
法六韜之書

周公



易繫爻辭詩歌德音
道隆德盛血誠赤心

周公

周公名旦文王子武王弟有聖德多材多
藝子伯禽周公輔誨成王王有過則撻伯
禽伯禽封於魯公戒曰我文王之子武王之
弟今王之叔父然我一沐三握髮一飯三吐哺
起以待士猶恐夫天下賢人尔之魯國慎
無以國驕人武王崩成王立周公居家宰以
王年幼乃攝政代成王當國南面負扆以
朝諸侯成王既長乃歸政王禮樂制度
皆公所立以啓周家八百六十七年之王業者
皆公之力也

老子

混元之祖太清之尊
五千玄言包括乾坤



老子

老子姓李名聃字伯陽母天水尹氏之女名益
壽適仙人李靈飛靈飛臯陶之後至商十八
世王陽甲踐位十七年庚申歲有神人乘日精
駕九龍化為五色流珠時尹氏晝寢夢天闕數
丈天帝捧日而出化為五色珠尹氏捧吞之覺一
有娠懷胎八十一年至商武丁九年庚辰二月十
五日降生後左腋而出既生鬚髮皓白故稱老
子周武王時為柱下史號古先生後又為周守
藏史孔子問禮之後往西竺化胡至函谷關關
令尹喜迎拜乃著道德五千言而去莫知所
終

孔子



焚植天地師範皇王
六經宗祖萬世綱常

孔子姓孔名丘字仲尼黃帝之後也四世孫契契
 十二世至成湯湯十六世微子微子十四世至叔梁紇
 而生孔子於周靈王二十一年庚戌十一月庚子生於
 魯昌平鄉鄆邑母顏氏未生時有麒麟啣玉書
 吐於闕里顏氏異之乃以綉紱繫麟角信宿而去
 懷娠十二月誕之夕有二龍繞室五老降庭五老者五
 星之精也顏氏之房間鈞天之樂孔子生有異質
 凡四十九表身長九尺六寸腰大十圍四十九歲為中都
 宰五十一歲以司寇攝行相事而誅亂政大夫少正
 卯編歷陳蔡宋鄭衛楚足諸侯之國莫能用乃
 返於魯序書刪詩定禮樂焚其周易備春秋第
 子三千身通六藝者七十二人年七十而卒

屈原



深思高舉潔白清忠
 汨羅江上萬古悲風

屈原

屈平字原任楚為三閭大夫三閭之職
掌王族三姓同列上官大夫妬其才能
譖於懷王王信之原憂心煩亂乃作離
騷至襄王立復信讒而謫之江南原作
九歌九章等篇自投汨羅而死

張良



大哉留侯師範高皇
功成智隱神機鬼藏

張良

張良字子房世為韓國人少遊下邳
遇黃石公因進橋下履得其書二編
乃太公兵法後佐漢高祖平定天下
籌帷幄之中決勝千里之外與蕭韓
稱為三傑封留侯後棄人間事從赤
松子遊

東方朔



木帝之精下遊人世
滑稽談諧規諫武帝

東方朔

東方朔字曼倩漢武帝即位上書曰
年十三學書三冬文史足用又曰目若懸珠
齒若編貝勇若孟賁捷若慶忌廉若鮑
叔信若尾生是以為天子大臣矣待詔金
馬門後拜大中大夫東都戲短人長一尺上
召東方朔觀之朔曰巨靈呵母歸耶短
人不應指方朔謂上曰王母種桃三千年一
開花三千年一結子此兒不良三過偷之
矣

董仲舒



三策醇正不尚浮誇
奸臣當國卒老于家

董仲舒

董仲舒廣川人少治春秋為博學
下帷講誦三年不窺園漢武即位
以賢良對策天子以為江都相進
退容止非禮不行相江都王以禮正
王敬重之復為膠西相而卒

司馬遷



遭陵之禍腐刑慘酷
發憤成書良史實錄

司馬遷

司馬遷字子長生於龍門南遊江淮
上會稽探禹穴窺九疑浮沅湘北涉
汶泗講業齊魯鄉射鄒澤過梁
楚以歸漢太初中為太史令因論李
陵得罪幽而發憤修史記實錄劉向
楊雄稱其有良史之才

楊雄



背棄漢恩臣事新室
書莽大夫紫陽直筆

楊雄

楊雄字子雲廣漢人少好學口吃不能劇談漢元鼎中居岷山之陽漢成帝朝有薦雄者上召雄待詔承明之庭奏甘泉河東校獵長楊四賦作太玄擬周易作法言擬論語作訓纂擬蒼頡作九箴擬虞箴作反騷擬離騷後仕王莽故朱文公綱目書曰莽大夫楊雄死君子鄙之

嚴子陵



甘心釣臺不臣世祖
立懦廉頑清風千古

嚴子陵

嚴光字子陵小字狂奴少有高名與光武同學帝即位光披羊裘釣澤中帝乃備安車玄纁聘之三反乃至除諫議大夫不屈上嘗與光同卧光以足加帝腹帝不敢動恐驚其寢明日大史奏客星犯帝座甚急上曰朕與故人嚴子陵共卧耳去耕釣隱于富春山中後人名其釣處為嚴陵瀨云

諸葛亮

王佐奇才儒者氣象
伊呂之間管樂之上



諸葛亮

諸葛亮字孔明寓居南陽隆中漢建安初徐庶言於先主曰諸葛孔明所龍也先主三顧於草廬中孔明乃起先主既即位於成都策孔明為丞相推演兵法作八陣圖上出師二表伐魏屯田于渭濱有星殞營中未幾卒司馬懿按視其營壘嘆曰天下奇才也謚忠武侯廟食于蜀

王羲之



墨池草隸蘭亭文章
傳之百代彌遠彌光

王羲之

王羲之字逸少王導從子也臨池學書
池水盡黑草隸為古今之冠論者稱其
筆勢飄若游雲矯若驚龍又曰如龍跳
天門虎卧鳳闕其最為後世重者蘭亭
記樂毅論黃庭經也仕晉為右將軍會
稽內史

陶淵明



恥事二姓克全三綱
高志遠識播之詞章

陶淵明

陶淵明潯陽人在晉名淵明在宋名潛世
號靖節先生陶侃之孫也宅邊有五柳樹
著五柳先生傳以自况親老家貧謂親朋
曰聊欲絃歌以為三徑之資可乎親事者
間之起為彭澤令公田悉令種秫妻子固
請種粳乃以二頃五十畝種秫五十畝種粳
在官八十餘日即解印綬去賦歸去來辭
以遂其志

謝靈運



靈運康樂出仕永嘉
文章美麗性行高峻

謝靈運

謝靈運自幼穎悟文章之美與顏延之並稱世顏謝宋元嘉中為永嘉守郡中有名山水肆意遨遊尋山陟嶺必造幽峻之所後襲父爵封康樂公世稱謝康樂

檀道濟

北卻元魏西平姚秦
長城既壞滿眼胡塵



檀道濟宋武帝願命元臣元嘉中
伐魏糧盡夜唱籌量沙平明魏軍
見之不敢逼位司空妻向氏嘗戒曰高
世之勲道家所忌後果為朝廷所疑及
其見收憤怒目光如炬脫憤投地曰壞汝
萬里長城也

文中子

重做三代再續六經
程朱評論河汾雜編



隋

王通字仲淹初篤志於學慨然有濟
蒼生之志西遊長安見隋文帝奏
十二策不見用乃退居河汾教授生徒
續詩書脩元經董常程元房杜王魏咸
北面受王佐之道蓋千餘人嘗鼓琴于
汾亭有釣者過而嘆曰居山澤而有廟
廊之志及卒謚曰文中子

房玄齡



輔相文皇功居第一
遺表之諫精忠貫日

唐

房玄齡字喬臨淄人幼警悟年十八舉
進士高孝基稱為國器恨不見其聳
壑昂霄唐武德初太宗為秦王延四
方文學之士以為記室兼文學館學士
太宗即位以有決勝帷幄定社稷功居第
一進左僕射居相位十五年孜孜奉國年七
十一薨於位謚文昭

杜如晦



玄齡善謀如晦善斷
與房同心功勳炳煥

杜如晦字克明杜陵人少英邁負大節
在隋為吏部選高孝基謂當為棟梁
用房玄齡亦曰如晦王佐才也太宗即位
進右僕射與玄齡共管朝政房善謀杜
善斷二人深相知當時稱良相者必曰房
杜封萊國公

李靖



先掃羣雄後平四夷
古今取法文武兼資

李靖字藥師京兆人姿貌魁竒佐隋
為馬邑丞嘗謂所親曰大丈夫當以功名
取富貴何至作章句儒其舅韓擒虎
與論兵曰可與語孫吳矣中弘見之嘆
曰王佐之才也唐貞觀中出將入相封
衛國公圖形於凌煙閣

李勣

為將成功托孤失節
得罪青編萬年不滅



李勣字懋功曹州人本姓徐初從李密勸
密歸朝高祖授黎州總管賜姓李片
中為并州都督在州十六年帝曰我月李
勣守并州賢於長城遠矣封英國公高
宗欲策武氏為后長孫無忌褚遂良皆
諍之高宗問勣勣曰此陛下家事何更
問外人武氏之立由勣此言而決也百世之
下君子非之

尉遲敬德



絕倫驍勇冠世英雄
不遇文皇難保厥終

尉遲恭字敬德有勇力善戰唐武
德初秦王引為右府參軍屢立大功
隱太子嘗以書招之賜金器四一事敬
德固辭不受秦王曰公心如山岳雖積
金至斗豈能移之論戰功為第一初
封吳國公後改封鄂國公

狄仁傑

母子之說武氏感悟
薦用忠良卒還唐祚



狄仁傑字懷英為兒時門人有被害者吏就詰衆方爭辯仁傑讀書不怠曰黃卷中方與聖賢對何暇偶俗吏語邪閣立本異其才薦為并州法曹武后朝遷幽州都督賜紫袍龜帶天授中以地官侍郎同平章事所薦張柬之桓彥範敬暉姚崇等皆為中興名臣睿宗即位封梁國公謚文惠

姚崇

十事要說君心洞開
救時之相應變之才



姚崇字元之陝州人好學倜儻尚氣節
五遷夏官郎中拜侍郎累徙同州刺
史開元中以十事要說玄宗翌日拜相
嘗問齊澣曰吾為相何如管晏對曰公
可謂救時之相史臣曰崇善應變以成
天下之務封梁國公謚文獻

宋璟



崇善成務景善持正
相繼贊襄增唐福慶

宋璟邢州人耿介有大節初居小官以
所作梅花賦投蘇味道味道稱之自
是知名皮日休云宋璟貞姿勁質剛態
毅狀疑有鐵石心腸不解吐軟媚語觀
其梅花賦清便富艷得南朝徐庾體殊
不類其為人唐開元中拜相封廣平公
謚文正

顏真卿

直道清忠王室之寶
大姦蔽君喪我元老



顏真卿字清臣博學詩書開元中舉
 進士又擢制科再遷監察御史出為平
 原太守安祿山反公獨倡義討之詔拜戶
 部侍郎加河北招討採訪使討賊代宗並
 改尚書右丞忠直孝友羽儀王室逮肅
 四朝為國元老位太師封魯郡公年八廿
 一為盧杞所陷出使李希烈被害謚文
 忠

郭子儀



名全始終位兼將相
 有才有德有識有量

郭子儀華州人以武舉補左衛長史安祿
山反詔為衛尉卿靈武太守朔方節度使
東討以功加司徒封代國公肅宗詔為諸道
兵馬都統拜關東副元帥詔攝冢宰賜
號尚父進中書令歷二十四考封汾陽郡
王以身繫天下安危者二十年忠義格天
威信服人富貴壽考生榮死哀年八十五
薨謚忠武

李白



酒中之仙詩中之聖
經濟有才秉鈞無命

李白字太白生時母夢長庚入懷因以命
之天寶初至長安賀知章見其文嘆曰子謫
仙人也言於上召見金鑾殿論當時世事賜
食親為調羹有詔供奉翰林帝嘗坐沉香
亭召白作樂章援筆成文婉麗精切
上愛其才欲官之會高力士以脫靴為耻摘
其詩以激怒貴妃故妃沮止後坐永王璘逆
郭子儀以官爵贖罪長流夜郎赦歸至
采石因醉乘舟臥水而卒

杜甫



窮愁一生光焰萬丈
風雅獨尊古今莫尚

杜甫字子美襄陽人少貧舉進士不第
困於長安天寶末奏賦三篇玄宗奇之使
待制集賢院肅宗立拜右拾遺因救房
瑄被黜客秦州流落劍南依嚴武武表
為參謀檢校工部員外郎天曆中客未
陽一夕大醉而卒少與李白齊名時稱
李杜韓文公詩云李杜文章在光焰萬
丈長

韓文公



捧天忠義入聖文章
泰山北斗孰可比方

韓愈字退之南陽鄧州人擢進士第董晉
表署觀察推官調四門博士遷監察御史
以論宮市貶陽山令改江陵法曹參軍憲宗以
權知博士分司東都改都官員外郎再遷職
方員外裴度平蔡奏為行軍司馬遷刑部
侍郎諫佛骨貶潮州刺史尋召拜國子祭酒
轉兵部侍郎鎮州亂詔愈宣撫以大義降之
歸轉吏部侍郎與執政不合改為京兆尹兼
御史大夫性姿明銳操行堅正其文章可佐
佐六經學者仰之如泰山北斗諡文公號昌
黎先生

柳子厚



文章高古對壘於韓
詩詞精妙獨步騷壇

柳宗元字子厚其文章卓冠當時
第進士博學宏詞科唐貞元中拜
監察御史後為王叔文之黨貶為柳
州刺史既卒柳人懷之立廟於羅池
韓文公為之碑

白樂天

五長之作達者之詞
流傳後代規諷當時



白居易字樂天始生七月便能展書母
指之無二字能識百數不差年十七登進士
第元和中對策遷左拾遺賤江州司馬久
之入為主客郎中知制誥晚年放意詩酒
自號醉吟先生又稱香山居士與胡杲吉
叟等宴集時人慕之繪為九老圖性質剛
正中立不倚岐節凜然自比丹桂會昌初
為刑部尚書

孟東野

天曰其詩不昌其後
貞曜之名求垂宇宙



孟郊字東野少隱嵩山貧居苦吟
云夜吟晷不休苦吟鬼神愁如何不自
關心與身為仇韓文公引為忘年交
年五十第進士調溧陽尉鄭餘慶鎮
興元秦為參謀卒謚曰貞曜先生

賈島

冷寺衲僧長江主簿
警拔句多推敲志苦



賈島字浪仙初為僧號無本居法乾寺
後舉進士苦吟常跨驢不避公卿貴人
吟詩云僧敲月下門又欲用推字於驢上
以手作推敲勢不覺衝至京尹韓愈第
三郎左右擁至馬前韓公詰之賈以實
告韓曰敲字佳與共論詩為布衣交宣
宗微行至法乾寺取其詩卷覽之島奪
其卷曰郎君何會此耶宣宗去御札除
遂州長江縣簿時稱為賈長江

邵康節

空中樓閣靜裏乾坤
外王內聖月窟天根



家

邵雍字堯夫先世涿郡人始至洛遂華環堵不設
風雨名所居曰安樂窩為甕牖讀書宴居其
則焚香獨坐晡時飲酒二三甌自號安樂先生每到
一家子弟家人尊奉惟恐不及不呼姓氏但云吾家先
生來也十餘家亦如安樂窩起屋以待其來謂之行窩
先生在洛與富韓司馬諸君子常相往來其園宅自
司馬公而下二十餘家買贈之熙寧十年夏感微疾曰
雍欲觀化一巡如何七月十四日作詩云生于太平世死于太
平世客問年幾何六十有七歲俯仰天地間浩然獨無
愧是夜五更捐館著皇極經世書六十二卷擊壤集二十
卷贈秘書省著作郎謚康節

包拯



天性峭嚴斷事電掃
關節不到間羅包老

包拯字希仁廬州人天性嚴厲未嘗有
咲容人謂包公笑比黃河清知端州歲餘不
持一硯歸為京兆尹令行禁止閭閻重穰
亦知其名語曰關節不到有閻羅包老天
下呼為包待制慶曆中為御史中丞拜
樞密謚孝肅

司馬溫公



脚踏實地學到至誠
海宇被澤夷夏知名

司馬光字君實山西平陽人童稚時與羣兒
戲一兒跌入甕中羣兒盡驚走公以石擊之
破之兒得不死已見活人手段矣幼時讀書以
圓木為枕小睡則枕衮而覺乃起讀書元豐
中判西京居洛十五年神宗崩公赴闕臨衛士
以手加額曰此司馬相公也民遮道呼曰公勿歸
洛留相天子活百姓所在數千人聚觀之兒童
走卒皆知君實之名年六十八薨贈太師封溫
國公謚文正號涑水先生

蘇東坡



陸贄議論韓愈文章
丹心正氣紫微玉堂

蘇軾字子瞻號東坡居士西蜀眉州人嘉祐
中歐陽公考試見其文語梅聖俞曰老
避此人一頭地曾鞏元祐初以為翰林學士每在
經筵進講至若亂興衰邪正得失之際必反覆
開導可觀有所啓悟嘗召對便殿宣仁太后曰
先帝每見卿文章必嘆曰奇才奇才但未及
進用耳命坐賜茶徹御前金蓮燭送歸院
黃山谷讚云嬉咲怒罵皆成文章鮮羈而歸
紫微玉堂進封禮部尚書端明殿學士贈
太師諡文忠公

周濂溪



建圖著書襟懷洒落
統接洙泗學開伊洛

周惇頤字茂叔號濂溪先生道州人初為分
寧主簿嘗知南昌終於提點刑獄分司有
先生惇學力行聞道早遇事剛果有古人風
為政明恕以名節自勵其為南安司理程珌
攝通判使二子受學為合州判官趙抃為使
者或讒之及抃知慶州先生仍為判官抃執
其手曰今日乃知周茂叔也先生著太極圖
通書行于世上接洙泗千載之統下啓河洛
百世之傳卒年五十七謚元公

黃山谷



朱稱孝友神愛草詩
卒于貶所累贈太師





